



复次，

387

若涅槃是有， 涅槃即有为，  
终无有一法， 而是无为者。<sup>1</sup>

涅槃非是有。何以故？一切万物从众缘生，皆是有为，无有一法名为无为者<sup>2</sup>。虽常法假名无为，以理推之，无常法尚无有，何况常法不可得见、不可得者！<sup>3</sup>

复次，

<sup>1</sup> 一、清辨，《般若灯论释·观涅槃品》云：

涅槃是体者，即是有为法。

二、安慧，《大乘中观释论·观涅槃品》云：

若涅槃有体，涅槃即有为，  
此乃无有法，而是无为者。

<sup>2</sup> 一、《摩诃般若波罗蜜经·平等品》云：

[离有为法，无为法不可得；离无为法，有为法不可得。]

二、《中论青目释·观三相品》云：

[无为相名不生、不住、不灭，止有为相故，名无为相。无为自无别相，因是三相有无为相。如火为热相、地为坚相、水为冷相，无为则不然。]

三、《中观四百论·破常品》云：

无有时方物， 有性非缘生；  
故无时方物， 有性而常住。

<sup>3</sup> 《中论释·明句论·观涅槃品》云：

[复次，

若涅槃是有， 涅槃即有为；  
终无有一法， 而是无为者。

若涅槃是有，尔时涅槃即成有为。是有法故，如心识。若法非有为者则不名是有法。譬如驴角。反之，如论偈曰：

“终无有一法， 而是无为者。”

“一法”者，谓内外诸能依事；“终无有”者，谓终无有时，终无有处，终无有宗，为所依义。]





若涅槃是有，云何名无受？

无有不从受，而名为有法。<sup>4</sup>

若谓涅槃是有法者，经则不应说“无受是涅槃”<sup>5</sup>。何以故？无有有法不受而有，是故涅槃非有。<sup>6</sup>

<sup>4</sup> 一、清辨，《般若灯论释·观涅槃品》云：

涅槃若有体，云何是无因？  
亦无有一法，离因而得有。

二、安慧，《大乘中观释论·观涅槃品》云：

若涅槃有体，云何名无取？  
若法体是有，何法无取邪？

三、《中论释·明句论·观涅槃品》云：

若涅槃是有，云何名无因？  
无有不从因，而名为有法。

<sup>5</sup> 《长阿含经·世记经》云：

虽见天使者，而犹为放逸，  
其人常怀忧，生于卑贱处。  
若有智慧人，见于天使者，  
亲近贤圣法，而不为放逸。  
见受生恐惧，由生老病死，  
无受则解脱，生老病死尽。  
彼得安隐处，现在得无为，  
已渡诸忧畏，决定般涅槃。

<sup>6</sup> 一、《中论释·明句论·观涅槃品》云：

[复次，

若涅槃是有，云何名无因？  
无有不从因，而名为有法。

若汝宗谓涅槃是有法，是则应名藉因。谓藉自因缘所成义。如是亦不应许藉因待缘者为涅槃。若不尔者，其相云何？谓不藉因缘者是。若涅槃是有法，云何名涅槃不藉因？涅槃不得是无因。是有法故，如心识。反之，如论偈曰：

“无有不从因，而名为有法。”]

二、《般若灯论释·观涅槃品》云：

[复次，更说其过，如论偈说：

涅槃若有体，云何是无因？  
亦无有一法，离因而得有。





问曰：若有非涅槃者，无应是涅槃耶？

答曰：

389

有尚非涅槃， 何况于无耶？

涅槃无有有， 何处当有无？<sup>7</sup>

若有非涅槃，无云何是涅槃？何以故？因有故有无，若无有云何有无<sup>8</sup>？如经说：“先有今无则名无。”涅槃则不尔。何以故？非有法变为无故。是故无亦不作涅槃。<sup>9</sup>

释曰：此谓体者，皆藉因得有施設，涅槃是体不得无因。以是故此中出验，涅槃非是体，无因能施設故，譬如兔角、多摩罗跋。]

<sup>7</sup> 一、清辨，《般若灯论释·观涅槃品》云：

汝涅槃非体，云何是无体？

二、安慧，《大乘中观释论·观涅槃品》云：

若涅槃有体，无体当何有？

涅槃有体故，无无体可成。

<sup>8</sup> 《中论青目释·观六种品》云：

[问曰：若无有有，应当有无。

答曰：

若使无有有，云何当有无？

有无既已无，知有无者谁？

凡物若自坏，若为他坏，名为无。无不自有，从有而有。是故言：“若使无有有，云何当有无？”眼耳、见闻尚不可得，何况无物？]

<sup>9</sup> 《中论释·明句论·观涅槃品》云：

[问曰：有如说众过故，有非涅槃者，是言属实，若尔者，何名涅槃？以无惑、无苦故，惟名无法是涅槃者。

答曰：是事亦不然。所以者何？如论偈曰：

有尚非涅槃， 何况于无耶？

涅槃无有有， 何处当有无？

若时不许涅槃是有法，谓有尚非涅槃。尔时，云何名无是涅槃？谓无法亦不堪称名是涅槃义。所以者何？如论偈曰：





复次，

390

若无是涅槃，云何名不受？

未曾有不受，而名为无法。<sup>10</sup>

若谓无是涅槃，经则不应说“不受名涅槃”。何以故？无有不受而名无法，是故知涅槃非无。<sup>11</sup>

“涅槃无有有，何处当有无？”

此谓舍离有相，改转余相方名为无。如有前说众过故，若有非涅槃者，无亦应不名是涅槃。谓有若不成者，无亦无法得成义。

若谓：无惑、无苦即名是涅槃。

答曰：若尔者，惑、苦的无常相应名是涅槃。所以者何？无惑、无苦即是无常相而非余相故。无常应名是涅槃。汝亦不作是许。否则应成无障碍法。是故此定不应道理。]

<sup>10</sup> 一、清辨，《般若灯论释·观涅槃品》云：

若涅槃无体，云何是无因？

二、安慧，《大乘中观释论·观涅槃品》云：

若涅槃无体，云何名无取？

非无体可有，涅槃即无取。

三、《中论释·明句论·观涅槃品》云：

若无是涅槃，云何不藉因？

未曾有不因，而名为无法。

<sup>11</sup> 《中论释·明句论·观涅槃品》云：

[若无是涅槃，云何不藉因？

未曾有不因，而名为无法。]

此中无常即名是无法。不见不藉因缘，如驴角等法有无常相。因相有所相，因所相有相故。相及所相迭互因待所成故。不因于所相——有法何得言有其相——无常？是故知无法亦名因待成。以是故说：若无是涅槃，云何名涅槃不藉因缘？是法必定藉因待缘。以是无法故，如灭相。为明此义，故次颂曰：

“未曾有不因，而名为无法。”]

